



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. D. Antonini Diana Panormitani, Cler. Reg. & S. Officij
in Regno Sicil. Consultoris, Practicæ Resolutiones
Lectissimorum Casuum**

Diana, Antonino

Antverpiæ, 1645

Novitius.

urn:nbn:de:hbz:466:1-41753

5 Si quis mutuas dedit alteri pecunias cum obligatione non repetendi ante biennium, posse aliquid accipere ratione illius obligationis non repetendi, affirmat Ledesm. & Cælestin. quamvis alij communiter negent. *ibid. ref. 48. & p. 5. tr. 13. ref. 50.*

6 Qui novit valorem pecuniæ breui minuendum, potest illam alteri mutua-re cū pacto, ut eam sibi restituat iuxta valorem quem tunc habebit. Bonacin. & Reginald. *p. 1. tr. 8. ref. 25.*

7 Quando mercator non vult mutua-re, sed creditò merces offert, & vendit summo pretio, ut emptor eas vendat cui voluerit, potest ille ipse mercator eas statim redimere pecuniâ numeratâ, pretio medio, vel infimo, modo non intercesserit pactum explicitum, vel implicitum de retrouendendo, & modo intra limites iusti pretij consti-tat. Lessius & alij 7. *ibid. ref. 33. & 38.*

Vide *Usura.*

NOVITIUS.

1 Si quis breui tempore in sæculo ma-nēs sua debita solvere possit, putat
intra

intra biennium, tenetur differre ingres-
sum in religionem ; sin minus potest
statim ingredi non obstante Bullâ Six-
ti V. Quod si post ingressum aliqua hæ-
reditas, legatum, vel donatio illi obue-
niat, tenetur Monasterium creditoribus
satisfacere, non tamen religiosus labo-
rare, vt inde iis satisfiat. Sanchez & a-
lij 3. p. 3. tr. 2. ref. 41. & p. 4. tr. 4. ref. 82.

2. Si quis ingressurus Novitiatum ali-
quid donauit ante habitus susceptio-
nem, factum tenet: quia nondum erat
Novitius. Concil. autem Trident. sess. 25.
c. 16. solum vetat, ne Novitius donet.
Sanchez & alij 5. p. 3. tr. 2. ref. 55.

3. Puellæ destinatæ religioni possunt
admitti in Monasteria ante annos di-
cretionis. Portel. *ibid.* ref. 131.

4. Puella duodennis potest suscipere
habitum religiosum (Azor. & alij 3.)
sed ante professionem, etiam monaste-
rij exempti, debet Episcopi vnum exa-
men subire sub mortali tam receptæ,
quàm recipientis. Sanchez & alij 2. *ibid.*
ref. 47.

5. Potest admitti Novitius omissis
informationibus: neque incurruntur
pœnæ Bullæ Sixti V. si Novitius careat
illis defectibus. *ibid.* ref. 82. & 83.

6 Non interruptitur novitiatus per egressionem è monasterio cum licentiâ Superioris. Imò etiam sine licentiâ; per tres, vel quatuor dies, modò ij postea suppleantur (Less. & alij) quamvis si quis dimissò habitu exeat, vel cum animo non redeundi, censetur interruptus novitiatus, etsi eodem die pœniteat. Suar *ibid. ref. 84. & p. 5. tr. 5. ref. 19.*

7 Quilibet Confessar. us etiam sæcularis ab Episcopo approbatus, potest absolvere Novitium regularem, etiam à peccatis in Religione referuatis; quia Novitij sunt veluti sæculares. Decretum autem Clem. VIII. non est sumendum per modum præcepti, sed consilij. A. zor. & alij 16. Gaudent tamen omnibus privilegiis Religioni concessis. Suarez & alij 5 p 3. tr. 2. ref. 4. & 73.

8 Potest Novitius in articulo mortis, non expleto probationis anno, admitti ad professionem; & si moriatur, monasterium ab intestato succedit in bona ipsius: quia non decedit Novitius. Sanchez & alij 5. vnde nec debet postea de nouo profiteri si conualescat. etsi in his omnibus contraria sententia sit cõmunior *ibi. ref. 17. & p. 5. tr. 3. ref. 139.*

9 Novitius qui redit ad sæculum, nõ

tenetur ad expensas, quas in eo alendo monasterium fecit. Quia redditus, & eleemosynæ monasterij sunt etiam ad alendos Novitios. Sanchez & alij 17. p.3. tr.2. ref.16.

10. Novitius recedens à Religione, non reincident in censuras, & irregularitates, à quibus in Religione fuit absolutus. Suarez & alij *ibid.* ref. 44.

11. Novitius etiam Fratrum Minorum, aut Cappucinatorum potest in suo testamento reservare electionem puellarum quibus suus hæres solvere debet quotannis certam pecuniam, cum licentiâ Superioris. Potest item Religiosus suum testamentum ante professionem factum, declarare, si est dubium. Vecchio & alij *ibid.* ref. 74. & 75.

12. Ut valida sit professio cōplendus est annus novitiatus de momento ad momentum, uti & annus decimus sextus. (Suar. & alij 20.) quamvis sufficere ut ultimus dies sit inchoatus doceat Henricus & alij 2. Imò si annus cōpleatur 24. Febr. anno bissextili, non poterit emitte nisi 25. Febr. eo puncto diei quo ante susceperat habitū die 24. quia utraque illa dies pro vnâ habetur in iure. Molin. & alij 3. *ibid.* ref. 57 & p. 5. tr. 9. ref. 18.